



Broj: 06-1-07-1-1367/22
Sarajevo, 07.07.2022. godine

Na osnovu člana 2.9 stav (1) tačka 14, a u vezi člana 1.10 stav (1) tačka 3. i stav (2) i člana 10.17, a u vezi s članom 10.16 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20 i 38/22) i člana 11. i 15. Uputstva o dodjeli i prestanku mandata ("Službeni glasnik BiH", broj 27/22), u pravnoj stvari prestanka mandata Srna Bajramović Segmedine, delegata u Domu naroda Parlamenta Federacije Bosne i Hercegovine, Centralna izborna komisija Bosne i Hercegovine je na 32. sjednici, održanoj dana 07.07.2022. godine, donijela

ODLUKU

o prestanku mandata i dodjeli mandata sljedećem kvalificiranom kandidatu

(1) **Srna Bajramović Segmedini**, delegatu u Domu naroda Parlamenta Federacije Bosne i Hercegovine, izabranoj na Posrednim izborima 2018. godine sa liste predlagača SDP - SOCIJALDEMOKRATSKA PARTIJA BOSNE I HERCEGOVINE, za izbor delegata u Dom naroda Parlamenta Federacije Bosne i Hercegovine iz Skupštine Kantona Sarajevo, iz reda Ostalih, utvrđuje se prestanak mandata sa danom smrti, 31.05.2022. godine.

(2) Upraznjeni mandat iz člana (1) dispozitiva ove Odluke dodjeljuje se **Abdić Pleho Edini**, sljedećoj neizabranoj kandidatkinji sa kandidatske liste predlagača LABURISTIČKA STRANKA BOSNE I HERCEGOVINE, za izbor delegata u Dom naroda Parlamenta Federacije Bosne i Hercegovine iz Skupštine Unsko - sanskog kantona, iz reda Ostalih.

O b r a z l o ž e n j e

Dom naroda Parlamenta Federacije Bosne i Hercegovine dostavio je Centralnoj izornoj komisiji Bosne i Hercegovine, dana 15.06.2022. godine, Izvod iz matične knjige umrlih, broj: 08/2-13-47700/22 od 06.06.2022. godine, za Srna Bajramović Segmedinu, zastupnicu u Skupštini Kantona Sarajevo i delegata u Domu naroda Parlamenta Federacije Bosne i Hercegovine. Uvidom u Izvod iz matične knjige umrlih, utvrđeno je da je Srna Bajramović Segmedina preminula dana 31.05.2022. godine.

Odredbama člana 1.10 stav (1) tačka 3. Izbornog zakona Bosne i Hercegovine utvrđeno je da izabranom članu tijela vlasti na svim razinama prestaje mandat prije isteka vremena na koje je izabran danom smrti.

U stavu (2) istog člana utvrđeno je da Centralna izborna komisija Bosne i Hercegovine donosi odluku o prestanku mandata izabranom članu organa vlasti u roku koji ne može biti duži od 15 dana od dana kada su nastupili razlozi za prestanak mandata, odnosno od saznanja o razlogu za prestanak mandata, i o tome obavještava organ vlasti u kojem je izabrani član imao mandat.

Nadalje, članom 10.17 stav (1), stav (2) i stav (3) Izbornog zakona Bosne i Hercegovine propisano je da ukoliko neko mjesto ostane upražnjeno usljed smrti, ostavke ili trajne onesposobljenosti delegata u Domu naroda Parlamenta Federacije BiH, to mjesto popunjava sljedeći kvalificirani kandidat na istoj listi na kojoj je bio delegat koji je umro, dao ostavku ili je trajno onesposobljen. Ukoliko na listi nema preostalih kandidata, mandat se dodjeljuje

neizabranom kandidatu sa najvišim količnikom s druge liste koji se kandidira za odgovarajući konstitutivni narod ili za grupu ostalih u istom kantonu. Ukoliko nema takvog kandidata, Centralna izborna komisija BiH vrši preraspodjelu tog mjesta u skladu s članom 10.16 stav (2) ovog Zakona.

U vezi s navedenim, članom 10.16 stav (1) i stav (2) Izbornog zakona Bosne i Hercegovine propisano je da kada se ne izabere potreban broj delegata koji se biraju u Dom naroda Parlamenta Federacije BiH iz reda svakog konstitutivnog naroda ili iz reda «ostalih» u datom zakonodavnom tijelu kantona, preostali broj delegata iz reda bošnjačkog, hrvatskog i srpskog naroda ili ostalih bira se iz drugog kantona, dok se ne izabere potreban broj delegata iz reda svakog konstitutivnog naroda. Centralna izborna komisija BiH vrši ponovnu raspodjelu mjesta koja se ne mogu popuniti iz jednog kantona odmah po završetku prvog kruga izbora delegata u Dom naroda Parlamenta Federacije BiH u svim kantonima. Centralna izborna komisija vrši preraspodjelu tog mjesta neizabranom kandidatu koji ima najviši količnik na svim listama koje se kandidiraju za odgovarajući konstitutivni narod ili za grupu ostalih u svim kantonima.

Imajući u vidu da je lista predlagača SDP - SOCIJALDEMOKRATSKA PARTIJA BOSNE I HERCEGOVINE za izbor delegata u Dom naroda Parlamenta Federacije Bosne i Hercegovine iz Skupštine Kantona Sarajevo iz reda Ostalih, prestankom mandata Srna Bajramović Segmedine, ostala iscrpljena, Centralna izborna komisija Bosne i Hercegovine je, primjenom navedenih odredbi Izbornog zakona Bosne i Hercegovine, utvrdila da se samo na kandidatskoj listi predlagača LABURISTIČKA STRANKA BOSNE I HERCEGOVINE za izbor delegata u Dom naroda Parlamenta Federacije Bosne i Hercegovine iz Skupštine Unsko - sanskog kantona, nalazi jedan neizabran kandidat iz reda Ostalih, a koji trenutno ima mandat u Skupštini Unsko-Sanskog kantona.

S tim u vezi, a na osnovu člana 10.16 stav (1) Izbornog zakona Bosne i Hercegovine, mandat delegata u Domu naroda Parlamenta Federacije Bosne i Hercegovine dodjeljuje se Abdić Pleho Edini, sljedećoj neizabranoj kandidatkinji sa kandidatske liste predlagača LABURISTIČKA STRANKA BOSNE I HERCEGOVINE, za izbor delegata u Dom naroda Parlamenta Federacije Bosne i Hercegovine iz Skupštine Unsko - sanskog kantona, iz reda Ostalih.

U skladu sa navedenim, Centralna izborna komisija Bosne i Hercegovine je, na osnovu člana 2.9 stav (1) tačka 14, člana 1.10 stav (1) tačka 3. i stav (2) i člana 10.17 stav (1), (2) i (3), odnosno člana 10.16 stav (1) i (2) Izbornog zakona Bosne i Hercegovine, te člana 11 i člana 15. Uputstva o dodjeli i prestanku mandata, odlučila kao u dispozitivu ove Odluke.

Pravna pouka: Protiv ove odluke dozvoljena je žalba. Žalba se podnosi Apelacionom odjelu Suda Bosne i Hercegovine u roku od dva dana od dana prijema ove odluke preko Centralne izborne komisije Bosne i Hercegovine, u skladu sa članom 6.9 stav (1) i stav (2) Izbornog zakona Bosne i Hercegovine.

Dostavljeno:

- Abdić Pleho Edina,
- Dom naroda Parlamenta Federacije BiH, nakon pravomoćnosti
- a/a.

